

Fufzig Johr Frauechor Prattele

Liebi Läser, wüset Ihr's scho?
E gross Ereignis isch im cho;
Me flüschteret's an alle n Orte,
dr Frauechor sig füzgi worde!!!

En edli Sach, i muess's scho säge.
Wie sie im Dorf die Volkkunscht pfläge.
Und scho ne halb Johrhundert singe
und freud in eusi Gmeinschaft bringe.

E frohi Schar, wo Alltags-Tücke,
mit ihre Lieder überbrücke.
Und s'gagti Härz sich jedesmole,
uff dene Gfilde cha erhole.

Dä prächtig Gsang isch ohni Fehl,
e Honigseim, für's Gmüet und Seel;
er linderet au in Chammere,
dr Schmärz und troschtlos jammere.

Drum möchte mir dr Jubilarin danke,
für ihri Dienscht an Gsund und Chranke:
Mög au in Zuekunft Säge walte,
mir wünsche Glück zu neuim Gschaltel!!!

E Sängerdag wird no verbunde,
mit däm Geburtsdag z'Prattele unde
und wie mir in dr Zytig gsehye,
teu si no ne Banner weyhe,
wo däm Chor wird Freud bereite,
und se zum Erfolg wird leite.

Drum liebi Läser wär's am beschte,
mir gienge n au go hälfe feschte
uff dere Prattler Häxmatt unde
um eusi Sympathie z'bekunde!!!

E grossi Hütte stoht scho gschmückt,
wo eus e Feschtprogramm beglückt;
i garantier ech hüte scho,
s'wird Alt und Jung uff d'Rächnig cho.

Zwo prächtig grossi Tombola,
beschänkt die Bsuecher, Frau und Ma
und wird die ville Glüschтли spiise,
mit allerschönschte Vorzugsprise.

Morn zobe fot das Feschte na,
vergäset's nit und dänket dra;
e n Inserat wird orientiere
und eus in all die Gheimnis führe.